



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

37. Evstasius post ablutionem iam sumptam aduertens in parena particulas S. Hostiæ ab ipso consecratæ potest has sumere tam in altari adhuc existens, quàm in Sacristia sacris vestibus nondum exutus: ...

urn:nbn:de:hbz:466:1-40942

lege humanâ talis cōtractus possit prohiberi; nā res probabilit̄ malæ aut periculose iure interdici possunt, et si nō evidenter sint malæ, sed quādam subtilitate defendi queant, quāuis defacto talis prohibitio non extet.

Ad 1. in Contrarium distinguim. Ma. quan-
docunque repetitur solutio vi primi contra-
ctūs conceditur: quandounque vi contra-
ctūs alterius repetitur. ut sit in proposito, ne-
gatur. *Ad 2.* negamus esse fictitiam commu-
tationem præsentis pecuniae cum absente ac-
tu nō habita; constat enim ex dictis sufficere,
si habeatur virtute, seu haberi possit alterius
fide & obligatione, ut sit in proposito; quo
modo etiam equus emi potest ab eo, qui illum
actu quidem non habet, habere tamen potest.
Ad 3. negamus consequentiam, quia campsor
non tenetur ad mutuum, sed iustis commu-
tationibus intēdit, esto simul ad suū lucrū at-
tédat. *Ad 4.* negamus antecedens, quia camp-
sarius absolute est voluntarius, cum per iniu-
riam à nullo compellatur ad tales modum
contrahendi, esto secundum quid sit involun-
tarius, quatenus non faceret, nisi necessitas
urget. *Ad 5.* negamus Min. quia non ipsum
debitum accipitur pro solutione sed obliga-
tio fidei Campsarij ad soluendum, licet iste
nitatur spe alienæ solutionis.

XXXVII. Eustasius Sacerdos religiosus post
peractum Sacrificium in semper accipit secum ab
altari

altari sacram Hostiam ab alio Sacerdote consecratam, ut hanc inde ad infirmum in Monasterio deferas, antequam sacras vestes exuas. Post peractam autem ibi Communionem infirmi aduertit, fuisse adhuc modicas reliquias sacræ Hostiæ in patena relictas. Quaritur. Quid cum istis Eustasius faciat?

Videtur sumere non posse, sed debere vel alteri relinquere Sacerdoti in proximo Sacro absumentas, vel ad Sacrarium referre. Ita Suarez, Vasquez, Coninck, Layman, Lugo, Diana, Arriaga de Eucharist. D. 44. n. 51. & communiter alij. Rationem dant, quia illæ particulæ non spectant ad Sacrificium ab Eustasio inchoatum & iam peractum. Ergo non habet jus illas sumendi non jejunus. Confirmatur, si potest Eustasius sumere has reliquias, posset etiam sumere totam sacram Hostiam, si illam infirmus ob morbum subito ingraucentem non amplius potest accipere. Atqui hoc nemo admittet. Ergo &c.

Resp. i. Si Eustasius adhuc in altari post ablutionem sumptam aduertisset in patena fragmentum sui Sacrificij sive magnum sive parvum, etiam non jejunus sumere illud potuisse. Ita ex communi Arriaga D. cit. n. 49. Ratio est, quia hoc fragmentum pertinet ad idem Sacrificium, ad quod consummandum habet jus Eustasius. Idem sentiendum, si aduertisset finitam Missâ; imò postquam alios, licet multos communicasset.

Resp.

Resp. 2. Si Eustasius iam in Sacrificia factis tamen vestibus adhuc indutus aduertisset prædictum fragmentum sui Sacrificij, sumere etiam potuisset. Ita plures post P. Granadum in 3. Part. contr. 6. Tr. 10. diff. 8. n. 11. Ratio est, quia adhuc iudicatur non absoluisse totaliter Sacrificium. Quod si factis vestibus iam fuisset exutus, fragmentum illud vel ad Sacratum reportare, vel alteri Sacerdoti post ipsum celebraturo referuare debuisset, nisi absque irreuerentia neutrum horum obseruari possit; tunc enim dictat ratio, ut potius à non ieuno sumatur, quam irreuerenter quoëunque in loco relinquatur.

Resp. 3. Eustasium particulas sacræ Hostiæ ab alio Sacerdote consecratæ post communionem infirmi in patena deprehensas probabiliiter adhuc sumere posse. Ita Marchinus de Sacram. Ordinis Tr. 3. p. 3. c. 3. n. 19. Tamburinus de expedita commun. c. 2. §. 8. n. 38. & cum Palao Tom. 4. Tr. 21. D. vnic. pu. 13. n. 20. plures in hanc opinionem valde inclinant. Ratio est. Tum quia omnes Sacerdotes ab uno eodemq; Christo sunt quodammodo unus huius Minister: sicut etiā unum est veluti specie Sacrificium. Ergo sicut ex hoc fundamento Sacerdos ieonus potest sumere Hostiam à se consecratam & simul aliam ab alio prius præconsecratam, ita etiam poterit sumere reliquias quaslibet post Missam repertas. Tum quia diffi-

difficile est discernere, an illæ reliquæ post ablutionem inuentæ sint ex præconsecratis ab alio, an seipso. Ergo non præsumitur Ecclesiæ voluntas, ut tam anxiè hīc Sacerdotes hæreant.

Resp. 4. Eustasium easdem reliquias non posse dare infirmo, si illas, postquam iste iam communicauit, primùm reperiat, Ita ex communi. Fagundez de 3. Præcept. Eccles. L. 3. c. 5. n. 31. saltem cum intervallo. Ratio est, quia iste sic bis communicaret. Quod etiam dicendum videtur, etiamsi infirmus ille foret Sacerdos; quia in hoc casu habet se instar Laici sub vna specie communicantis & extra ministerium sacrificij,

Resp. 5. Si infirmus, ob vim morbi inopinato auctam, sumere amplius nequeat sacram hostiam ad se delatam, non posse eam sumere Eustasium, sed debere reportare ad Sacrarium. Ita ex communi Arriaga n. 50. Quia illa sacra Hostia in rigore & materialiter non est reliquia seu fragmentum, etiamsi ab ipso Eustasio fuisset consecrata, Ergo facultas illa sumendi reliquias post ablutionem non extenditur ad illam.

Atque ex his patet etiam ad rationes in contrarium, tametsi enim illæ particulæ non spectent ad Sacrificium ab Eustasio inchoatum iuxta omnem rigorem, suo tamen modo spectant, in quantum scil. uterque Sacerdos est

est quasi unus Christi Minister: & unum ubique velut specie Sacrificium existit.

XXXVIII, Galation & Episteme illustres personæ sponsalia contraxerunt, & post tres ab hinc hebdomades nuptias indixerunt celebrandas; interea autem temporis occultum deprehendunt impedimentum dirimens intercedere: at nuptiæ absq; graui incommodo ac periculo vrra præfixum illud tempus differre non posse videntur. In hac mentis anxietate querunt ex Confessario, quid factu opus, an ab Episcopo, vel ipso Papa petenda dispensatio? & quia intelligunt, non illum, sed hunc duntaxat dispensare posse, statim cursorem ad eum expediunt, qui Romam delatus mox rescripsit intra triduum haud dubiè dispensationem à Papa impetrandam, quo responso accepto, & elapso iam triduo celebrant nuptias. Quæritur 1. An Episcopus in tali casu dispensare possit? 2. An nuptiæ in hoc casu rectè celebratae sint?

Videtur Episcopus in hoc casu dispensare non posse. Ita P. Layman. L. 5. Tr. 10. Part. 4. c. 6. in fine. Et L. 1. 17. 4. c. 22. n. 4. ubi ait, solum Sanchez L. 2. D. 4. n. 7. cunctabundū & nullius Doctoris autoritate nixum in cōterrium propendere. Nuptias etiam ante dispensationem certò cognitam invalidè & illicitè fuisse celebratas, præter alios docent Vasquez l. 2. D. 156. n. 30. & Suarez L. 8. de leg. c. 15. num. 26. Ratio illorum est, quia præsumi non potest, mentem Pontificis dispensantis